

玉

海

六十二

玉海卷第一百二十五

浚儀王應麟伯厚甫

官制

古官名

三皇二帝傳述其官書載唐虞之官夏殷無聞焉
周官則備矣

太昊九庖官

崔寔政論太昊之世設九庖之官

黃帝四監 左右大監

通典州牧黃帝立四監以治萬國

宋百官志刺史黃
帝四監唐虞十二

牧是其職也
周改曰伯

史黃帝紀以師兵為營衛官名皆以

雲命為雲師置左右大監監于萬國萬國和舉風后

力牧常先大鴻以治民

左右大監即後世二伯也正義若周召分陝

月

令季夏命四監大合百縣之秩芻以養犧牲季冬命

四監牧秩薪柴以其郊廟及百祀之薪燎注四監主

山林川澤之官

呂氏春秋注四監周制也

魏文帝詔曰黃帝建

四面之號

黃帝李官

見兵法

黃帝四史

左右史

拾遺記黃帝置四史以主圖籍

黃帝置四史官令沮誦蒼頡隸首孔甲居

其職

帝王世紀黃帝

云云

其史倉頡取像鳥跡始作

文字史官之作蓋自此始記其言行策而藏之名曰

書契

唐六典起居郎注宋衷世本云沮誦倉頡為

黃帝左右史

一云黃帝之世始立史官至于夏商分置左右

周書穆王時

左史戎夫書前代存亡之誠諸侯之國亦立之

夏終商摯

周聘晉黍記文書皆歸柱下

後漢竇章傳注老子為柱下史四方所見宋衷世本楚

左史倚相左史老

鬻子注黃帝置史官

世本容成造曆

大撓作甲子宋忠注皆黃帝史官也

荀子注倉頡

黃帝史官

周禮疏世本作云倉頡造文字頡黃帝

之史則文字起於黃帝 漢志孔甲盤孟二十六篇
注黃帝之史

黃帝太醫

漢書司馬相如傳詔岐伯使尙方注張揖曰岐伯者
黃帝太醫屬使主方藥也

黃帝樂師

文選張衡思立賦注太容黃帝樂師

堯田師 農師 稷官 田正

淮南子

選注引文子同

堯命舜爲司徒契爲司馬禹爲司空

稷爲大田師奚仲爲工

選注引文子作工師

史周紀弃游戲

好種麻菽成人遂好耕農相地之宜宜穀者稼穡焉
民皆法則之帝堯聞之舉棄爲農師舜封於邰號曰
后稷夏后氏政衰去稷不務不畍失其官公劉復修
后稷之業務耕種行地宜 詩閟宮是生后稷降之
百福黍稷重穋植穉菽麥奄有下國俾民稼穡箋后
稷長大堯登用之使居稷官民賴其功後雖作司馬
天下猶以后稷稱焉疏舜命羣官使禹宅百揆卽天
官也契爲司徒卽地官也商頌立鳥箋契爲伯夷爲
堯司徒有功封商秩宗卽春官也咎繇爲士卽秋官也垂爲共工卽冬
官也唯夏官不言命帝曰棄褒述其爲稷之功不言

命而爲官明是稷作司馬爲夏官也且尙書刑德故

云稷爲司馬

周語稷爲天官禮疏堯天官爲稷

周禮大司徒疏堯

時弃爲稷官立稼穡之事死乃配稷而食名爲田正

左傳蔡墨曰稷田正也

堯工師 木工 舜工師

文子自然篇堯之治天下也后稷爲田疇奚仲爲工

師

文選注引之

注造器物以備民用 淮南子齊俗訓奚

仲爲工

左傳及淮南修務訓云夏車正當攷

說苑僎爲工師 史記

堯紀其工堯試之工師舜紀垂主工師百工致功

劉向列仙傳赤松子與堯時爲木工仇生赤湯時爲

木正

堯謁者

後漢官志注荀綽晉百官表注明帝詔曰謁者乃堯之尊官所以試舜賓于四門四門穆穆者 晉志左執法東北一星曰謁者

堯射官 弓正

月令正義羿爲堯時射官說文曰羿帝嚳射官也賈逵云羿之先祖世爲先王射官故帝賜羿弓矢使司射 帝王世紀羿有窮氏帝嚳以上世掌射正嚳賜以彤弓素矢封之鉏爲帝司射 唐宰相世系表青

陽氏第五子揮爲弓正始制弓矢子孫姓張氏

左傳闕伯爲陶唐氏之火正 鄭語黎爲高辛氏火

正

堯大理 堯宗官

說苑

見樂正

唐宗室表皋陶爲堯大理

管子皋陶爲李生

益益生恩成歷虞夏商世爲大理以官命族爲理氏

北史序傳庭堅爲堯大理 史舜紀皋陶爲大理

平民各伏得其實 月令注理治獄官也有虞氏曰

士夏曰大理周曰大司寇 宗伯注宗伯典禮之官

書堯典曰帝曰咨四岳有能典朕三禮僉曰伯夷帝

曰俞咨伯汝作秩宗。宗官又主鬼神。云云唐虞歷三代以宗官典國之禮與其祭祀漢之大常是也。

堯大農

三代世表褚先生曰堯知禋賢才立以爲大農姓之曰姬氏

堯四伯

詩崧高維嶽注堯之時姜氏爲四伯掌四嶽之祀述諸侯之職周有甫申齊許正義四伯旣主四時又主方嶽因其時而主其方。國語堯使禹治水四岳佐之。云云此一王四伯韋昭注一王謂禹四伯謂四嶽

也書注孔氏云四岳卽羲和四子

堯共工

明堂位垂之和鍾注垂堯之共工疏舜典垂作共工鄭不見古文故以爲堯

堯司馬

見田師 文子堯治天下舜爲司徒契爲司馬禹爲司空后稷爲田疇奚仲爲工師

堯司徒

太尉

封人

六官

見上

魯語展禽曰契爲司徒而民輯注爲堯司徒能敬敷五教 司馬相如傳注張揖曰禹爲堯司空契爲堯

司徒 月令正義三王有司馬無太尉中候握河紀
云舜爲太尉此堯時置之三王不置也漢表太尉秦
官 史記正義堯置羲和六官掌天地四方 莊子
堯出遊華封人祝曰 云云

堯天官

周禮疏堯初天官爲稷至試舜天官之任謂之百揆
舜命禹爲之卽天官也

堯羲和官 虞夏天官

漢書陽朔二年春詔曰帝堯立羲和之官命以四時
之事令不失其序故書云黎民於蕃時雍明以陰陽

王 海 卷一百二十五
六
爲本也注應劭曰堯典乃命羲和羲氏和氏世掌天

地之官

書正義曰書傳有羲伯和伯是仲叔子孫

堯典正義少昊五鳩

氏卽周世之卿官別有鳳鳥氏班在五鳩上上世重

厯數堯於卿官之外別命羲和掌天地尊於諸卿傳

曰日官居卿以底日

楚語堯育重黎之後使典天

地以至于夏商

史記自序余先周室之太史也自

上世嘗顯功名於虞夏典天官事司馬氏世主天官

周禮正義堯天官稷也地官司徒也

堯掌庾

氏族畧庾氏堯時掌庾大夫以官命氏

舜四方設官

舜典帝釐下土方設居方作汨作九共九篇橐飫注

言舜理四方諸侯各設其官居其方周禮正義四岳

岳之事始羲和之時主四岳者謂之四伯至其死分

置八伯皆王官書傳云惟元祀巡狩四岳八伯九州

而言八伯者據畿外八州也畿內不置伯以鄉遂之

吏主之四岳分掌四岳諸侯即羲和四子堯典

咨四岳二治水異位也舜

典咨四岳二熙載典禮也

舜樂正 堯樂正

孔叢子魯哀公問書稱夔曰於予擊石拊石百獸率

舞庶尹允諧何謂也子曰此言善政之化乎物也古

之帝王功成作樂其政善者其樂和樂和則天地猶

且應之況百獸乎夔爲帝舜樂正實能以樂盡治理
之情公曰然則政之大本莫向夔乎子曰樂所以歌
其成功非政本也眾官之長旣咸熙熙然後樂乃和
焉吾聞夔一足有異於人信乎子曰昔重黎舉夔而
進又欲求人而佐焉舜曰夫樂天地之精也惟聖人
爲能和六律均五聲和樂之本以通八風夔能若此
一而足矣故曰一足非一足也公曰善 呂氏春秋
孔子曰舜欲以樂傳教於天下乃令重黎舉夔於草
莽之中而進之舜以爲樂正夔於是正六律和五聲
以通八風而天下大服 荀子成相篇禹勞心力堯

有德千戈不用三苗服舉舜剛畝任之天下身休息
得后稷五穀殖夔爲樂正鳥獸服契爲司徒民知孝
悌尊有德禹有功抑下鴻辟除民害述其工 韓非
子堯曰夔一而足矣使爲樂正 說苑君道篇周公
對成王曰天子無戲言周公旦可謂善說矣當堯之
時舜爲司徒契爲司馬禹爲司空后稷爲田疇夔爲
樂正倅爲工師伯夷爲秩宗皋陶爲大理益掌敔禽
云云 左傳昭二十八年叔向母曰樂正后夔注舜
興樂之君長

舜典帝曰夔命汝典樂教胄子直而溫寬而栗剛而

無虐簡而無傲聲依永律和聲八音克諧無相奪倫
神人以和夔曰於予擊石拊石百獸率舞 益稷帝

曰予欲聞六律五聲八音在治忽工以納言時而颺

之

注工樂官掌
誦詩以納諫

夔曰戛擊鳴球搏拊琴瑟以詠祖考來

格虞賓在位羣后德讓下管鼗鼓合止祝敔笙鏞以

間鳥獸蹠蹠簫韶九成鳳皇來儀 王制樂正崇四

術注樂官之長掌國子之敎虞書曰夔典樂敎胄子

尙書大傳維十月五祀舜爲賓客禹爲主人樂正

進贊曰尙考太室之義唐爲虞賓

文選注

晉語趙

宣子召軍吏戒樂正